



Broj: 02-11-2936/22-AP-11

Datum: 06.02.2023. godine

Na osnovu člana 25. i 70. Zakona o javnim nabavkama („Službeni glasnik BiH“, broj: 39/14 i 59/22), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/2022) i člana 12. Privremene statutarne Odluke Grada Zavidovići („Službeni glasnik općine Zavidovići“, broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Sanacija ograde na mostu u ulici Roncadelle“ Gradonačelnik Zavidovića, donosi

ODLUKU

Član 1.

Poništava se Odluka o izboru najpovoljnijeg ponuđača broj: 02-11-2936/22-AP-9 od 06.01.2023. godine iz razloga što izabrani ponuđač „SACOM“ d.o.o. SARAJEVO nije dostavio traženu dokumentaciju (originalne ili ovjerene kopije dokumentacije iz člana 45. i 47. Zakona o javnim nabavkama).

Član 2.

Prihvata se preporuka Komisije za javne nabavke, te se Ugovor o javnoj nabavci radova „Sanacija ograde na mostu u ulici Roncadelle“, dodjeljuje trećerangiranom ponuđaču GTPD „POROBIĆ“ d.o.o. SARAJEVO koji je dostavio ponudu broj: 12-12/22 od 12.12.2022. godine u postupku dodjele ugovora o javnoj nabavci radova „Sanacija ograde na mostu u ulici Roncadelle“, broj: 02-11-2936/22-AP-2 od 21.11.2022. godine, u kojoj je nakon e-aukcije ponuđena ukupna cijena od 36.890,00 KM bez uračunatog PDV-a.

Član 3.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 6.

Ova odluka stupa na snagu danom donošenja.

O b r a z l o ž e n j e

Odlukom Gradonačelnika broj 02-11-2936/22-AP-2 od 21.11.2022. godine pokrenut je postupak dodjele ugovora za javnu nabavku radova „Sanacija ograde na mostu u ulici Roncadelle“, putem otvorenog postupka za koji je dana, 21.11.2022.godine upućeno Obavještenje broj 1374-1-3-251-3-176/22 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 12.12.2022. godine do 12,00 sati dostavljene su 4 (četiri) ponude, i to ponude sljedećih ponuđača po prijemu prispjeća: 1.OBRT „META-B“ vl. Buljubašić Almir; 2. „BN TRANSPORT“ d.o.o ZAVIDOVIĆI, 3. „SACOM“ d.o.o. SARAJEVO i 4. „POROBIĆ“ d.o.o ZAVIDOVIĆI.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da su pristigle ukupno 4 (četiri) ponude, da blagovremene i foormalno ispravne i tehnički zadovoljavajuće.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača, te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 22.12.2022. godine, Komisija za javnu nabavku Grada Zavidovića dostavila je Dopunu Zapisnika o pregledu i ocjeni ponuda broj: 02-11-2936/22-AP-7 od 23.12.2022. godine na Zapisnik o pregledu i ocjeni ponuda broj: 02-11-2936/22-AP-7 od 20.12.2022. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	„BN TRANSPORT“ d.o.o ZAVIDOVIĆI	20.500,00 KM
2.	„SACOM“ d.o.o. SARAJEVO	20.969,90 KM
3.	GTPD „POROBIĆ“ d.o.o ZAVIDOVIĆI	36.890,00 KM
4.	OBRT „META“ vl. Buljubašić Almir	70.050,00 KM

Ugovorni organ je dana, 28.12.2022. godine donio Odluku broj 02-11-2936/22-AP-7 kojom je prihvaćena kao najpovoljnija ponuda ponuđača „BN TRANSPORT“ d.o.o ZAVIDOVIĆI koji nije dostavio dokumentaciju iz člana 45. i 47. Zakona o javnim nabavkama na osnovu čega je Ugovorni organ donio Odluku broj: 02-11-2936/22-AP-9 od 06.01.2023. godine kojom se poništava Odluka broj 02-11-2936/22-AP-7 i ugovor dodjeljuje drugorangiranom ponuđaču „SACOM“ d.o.o. SARAJEVO. Ponuđač „SACOM“ d.o.o. SARAJEVO bio je dužan dokumentaciju iz člana 45. i 47. Zakona o javnim nabavkama u skladu sa Tenderskom dokumentacijom i članom 2. pomenute Odluke, odnosno u roku 5 (pet) dana.

Kako je rok za dostavu dokumentacije istekao zaključno sa 17.01.2023. godine, a izabrani ponuđač nije blagovremeno dostavio propisanu dokumentaciju, to nije postupio u skladu sa uslovima iz Tenderske dokumentacije. Obzirom da se u svom Izjašnjenju broj:03-11-2935/22 od 31.01.2023. godine Služba za upravu privrede, lokalni razvoj, infrastrukturu i međunarodnu saradnju Grada Zavidovići izjasnila da se mogu obezbjediti sredstva za nastavak postupka „Sanacija ograde na mostu u ulici Roncadelle“, shodno članu 72. stav 3. Zakona o javnim nabavkama ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, te je ugovor dodijeljen trećerangiranom ponuđaču GTPD „POROBIĆ“ d.o.o. ZAVIDOVIĆI.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka. Dostavljeno:

1. Učesnicima u postupku
2. U spis.

Obradio/la: _____
(Sanela Mulahasanović)
Kontrolisao: _____
(Midhat Bašagić)



GRADONAČELNIK
doc.dr. Hašim Mujanović